

瓊州府志卷之三十五

人物志三 忠義 宋 明 國朝



宋

謝明

謝富

冉安國

黃之傑

傑史作紀

俱瓊州人宋末祥興元年從安撫趙

與珞拒元兵於白沙口極力死戰被執謾罵不

屈元將怒皆裂殺之

戴通志

祀於祠

蕭志

元

周仁瓊山人嘗遇疫轉相傳染族屬多死家人畏

瓊州府志

卷三十五

人物 忠義

一

禍引去仁獨留視之死者葬病者藥仁亦無恙

至正間為石山寨巡檢與賊戰死之祀於祠

蕭志

明

莫宣寶定安人元末陳子瑚倡獮宣寶率鄉兵并

力戰守合境以全洪武初詔書獎諭八年永嘉

侯朱亮祖征五指山宣寶建議開十字路會黎

賊突出奮臂敵之中流矢卒太祖嘉之勅祀鄉

賢 大清一統志

郝信瓊山人為中所總旗天順四年千戶邵偉子

邵瑄叛舉城奔潰信獨厲聲罵曰朝廷素日養

兵欲用於何時遂奮刃殺賊三人眾驚走追敵

不已卒死於賊牛志祀於祠

王正瓊山人海南雷所指揮成化乙巳偕指揮徐
開自京師還瓊舟次廣州波羅廟前遇風大作
舟皆覆正出抱船得不死嘆曰吾友有老母在
吾與萬里同歸今見其死何能獨生耶頃電掣
見傍有艇違旨攀登岸求斧回劈船底數艙務
求出開因而活者四十餘人餘屍亦爲撈厝牛志
俞寬瓊山人爲人倜儻動必法古尤酷於利物遇
有阨難者濟之宏治壬戌有婦暮投其舍問之
曰我抱原寡婦也強暴者欲污我故避去已不
食三日矣寬以爲義命家人伴之且爲之餉明

瓊州府志

卷五

人物 忠義

二

日婦辭去強暴者聞之恨寬阻阨其事以勢逮
之獄誣其與抱原男子盜婦而匿之時無良有
司故爲勢所脅甚爲之捶楚男子懼而自經寬
於是殆不可逃矣嘗仰天一呼捶楚盡折人皆
冤之獄三年不決一日誣寬者狂呼而死有司
始出寬於獄他日有囊錢布而過者悞遺於地
寬追而還之見人困踣於地而不能前者舉其
杖授之濟物之心始終不變當時皆稱俞義士

云阮通志

谷泰海南衛指揮平居以忠義自許宏治甲子春
督備東三所適南山等黎岐越萬州界牛姆芎

等處流劫時兵備副使王繼懦怯聞報黎賊者輒杖之泰曰官名督備乃懼上司而忍吾民受害耶卽率官軍衝前對敵射斬生擒奪回被擄者賊已驚退後大隊賊至軍少力單奮勇不已遂死於戰州人至今哀之

牛志

王何會同人賊入寇縣官被擄何聞之奮勇與敵脫縣官於難而何喪首尙提戈勒馬歸家婦聞其馬嘶出迎始墮縣官行祭立石表其宅曰義士死後英爽不泯有禱輒應每夜空中隱隱有車馬聲鄉人呼爲踏朗公今子孫多衣冠之倫咸以爲忠義之報

賈志

瓊州府志

卷三

人物 忠義

三

符田昭儋州黎人七方崗首勇畧兼人時海寇爲患率兵禦之斬首數級值賊兵一夥自他處突至前後犄角田昭矢盡力窮遂死州守張邦謨鄉先生唐維各有誄文

牛志

王昌言字如綸定安人宗伯宏誨孫崇禎甲申盜賊蠡起昌言練丁壯堵禦民賴以安已丑黎賊馬蹬根作亂昌言傾家募鄉勇擊敗之後與參將張某合兵進剿至金雞嶺誤墮賊計力戰死之道光十年崇祀忠義祠

櫛冊

國朝

鄧朝麟瓊山人鎮標右營把總康熙四十年黎賊

王鎮邦騷擾官兵往剿朝麟奮不顧身衝鋒陷陣而歿旋經招撫事平敘功廕子國賢爲把總後官至龍門都司蕭志

謝元芳文昌人由武生充海安營外委乾隆庚戌海寇蜂起元芳巡哨遇賊於三墩港力戰衝鋒所向辟易賊勢旋聚衆卒欲退芳厲聲曰不前者斬遂奮臂赴賊衆寡不敵芳知不免投於海爲賊所獲不屈遭剖剝而死嘉慶二十年總督阮具題奉

旨祀昭忠祠

周鳴清萬州人少貧拾薪養母長入伍官至本營

瓊州府志

卷三十五

人物 忠義

四

千總署守備道光十年崖州黎亂調隨總兵孫得發赴剿十二月糧盡兵潰遇伏巨木當道箭下如雨清奮勇衝突孫得發得以身免清中箭創重謂士卒曰吾卽死于是耳汝等亟逃勿吾顧也遂戰歿賊碎其屍人甚哀之事聞奉

旨賜雲騎尉世職入祀昭忠祠營冊

宋

王進慶澄邁人性至孝紹興間其母陳氏患瞽而疾且殆進慶剖股為粥以獻母疾愈瞽復明地與

紀勝祀於祠蕭志

元

王紹瓊山人元初寇亂父為義兵歿於陣紹方弱冠手持刀斧奮勇赴難以身殉之戴通志

明

張騰鸞崖州庠生洪武初父為海寇所擄騰鸞率

鄉勇奪之手刃數賊竟遇害大清一統志

瓊州府志

卷三十五

人物 孝友

五

蔡庸字秉常瓊之戎士永樂中備倭海上於萬全

獨洲洋為賊所俘後至日本投其國僧久之乘間泣言母老在堂僧惻然白其主得釋遂相率賦詩名萬里一歸人卷贈之及歸母尚無恙而

庸已年七十餘矣鄉里莫不嘆異阮通志

林孜字志善文昌人中景泰庚午鄉試母雲氏病

靡孜朝夕泣侍撫摩除滌未嘗離側或謂癰毒有頭吮出則愈孜吮之母果愈孜因毒入腹未幾疽發背劓劓自知不起嘆曰死生命也孜亦何所憾惟恨母老不得終養而反貽母憂且顧謂諸弟曰能善事老母吾死無為念也囑其妻

子亦如之言不及私須臾卒遠近聞者莫不悲

痛戴通志

李宣字德輝澄邁人自為兒時聞其父云祖子惠解補遼海衛伍隔絕南北萬餘里父子不相見者二十餘年宣遂悲號不已志欲往省景泰癸酉領鄉薦上京師哀告當道憐之遂得往遼海時祖年已八十矣祖孫相見慟哭見者為之墮淚御史戴縉舉例以其家就近補伍除遼海戎籍得侍其祖南歸鄉人嗟嘆以為難同徐福字德純萬州人賈志作左所人天性至孝以古人自期讀書必求真諦父病思美味諸品無適意者

瓊州府志 卷三十五 人物 孝友 六

福仰天祝曰苟愈吾父吾何愛此身遂刲股調

羹以進父病尋愈福中景泰丙子鄉試辭職歸

養祀於祠蕭志

榮瑄瓊山前所人三歲而孤與兄琇並以孝聞明史

鄭誥傳孝友出於天性天順四年土賊據瓊城殺

不附已者以威衆半夜變起倉卒城中少壯多

棄老幼走瑄琇兄弟獨共扶母逃見賊來迫自

知不免琇謂瑄曰事急矣吾二人並死無益也

我以死衛母汝急去庶幾脫得一人養母此天

幸也瑄去琇扶母為賊所獲欲脅以行誓死不

從賊大怒置母其前按刀母頸謂琇曰我先殺

爾母次及爾何如琇叩頭曰乞免母死遂與母
陷入賊中及大軍壓郡琇自賊中走出爲官軍
所獲執送主將安都揮使旗鼓下將行刑間瑄
冒死前進叩首流血被面請曰兄以活母之故
誤陷於賊今母老家貧恃兄爲命兄卽死母亦
失所瑄孱弱生存不能爲有亡逃日逼賊本不
圖生用兄言走脫嘗恨不得代兄一死今乃得
遂所願願存兄養母言辭悽慘主將不察竟殺
瑄旣而翻然悔曰凡爲人兄弟皆當知有此義
好人好人枉殺之矣遠近莫不灑淚嘆惜

牛志

雲昱文昌人七世祖從龍元行省參知政事撫綏

瓊州府志

卷三十五

人物

孝友

七

有方兵民悅服昱少多病父母鍾愛失學然有
美質所行常過於厚成化十五年喪母邢氏哀
毀幽思飲食頓減漸至骨立服終如初喪無何
父燹復喪昱連年哀毀竟廢飲食以憂思卒

黃通

志

唐繼祖瓊山人舟之孫任長沙衛經歷家素貧與
長兄承祖弟紹祖顯祖四人相友愛成化間紹
祖充解官料虧價逮追繼祖賣其妻從嫁田數
百金爲償妻馮氏亦無難色鄉里以爲賢

郝通志

鄭稽字考夫瓊山人成化癸卯舉人任洛容知縣
與兄穉早失怙恃孤苦相依及長不忍分爨凡

出入之需皆穉主之財帛不入私室穉沒奉嫂
益恭鞠其二女擇士人以歸之鄉人取田真之
事名其居曰荆茂賦詩頌之黃通志

林士進字邦寵文昌人邑庠生教諭士奇弟少失
恃鞠於繼母王氏事繼母以孝聞年四十一卒
王氏痛思不已立碑林宗哲撰文具愛敬之始

末牛志

唐縉郭志作唐繼字紹之瓊山人南城司訓卿之子處

州府學訓導初父病侍奉勤苦備至及父卒廬
墓終喪閭里白其事於上司移文旌異遣太守

謝廷瑞奉幣詣其家獎之戴通志

瓊州府志

卷三五

人物 孝友

八

楊禎瓊山人家初貧與弟二人共爨家事悉統於

禎出則同行入則同食友愛之情老而不替嘗

樹荆於庭花葉時茂或歲不花遂卒禎妻李氏

尤賢淑雖織財不私時勤幹濟家用殷裕牛志

王汝翼澄邁人禔躬樸茂事繼母以孝聞博涉羣

書蚤歲雅為當路所器由貢授南海訓導懇乞

歸養祀鄉賢賈志

孫思誠字明之瓊山人廕之姪孫天性孝友重義

樂貧居喪不入寢室飲食必奠者終其身晚年

寄興梅竹一切世味泊如也牛志

周倬樂會人孝友純篤事兄俊如嚴父接人以禮

不能容人過由歲貢訓漳諭來賓歸僅茅屋數椽漳人祀名宦

賈志

曾士元字仲仁萬州人瑁曾孫篤於孝友父魯病瘡犯豕肉卒遂終身不食豕肉見卽悲泣母李氏疾躬侍湯藥寢處不遑執喪哭踊絕而甦者數次哀毀骨立非杖不能起三年不入寢室過祖塋雖夜必拜卽服總麻悉遵古禮撫孤姪若己子復割田以益之後以歲薦爲福清訓導多所造就生徒貧乏者捐俸助之

牛志

王敦樂會人母馮氏爲海寇李茂所擄數年方齟齬挺身至賊船求免其母歷風濤犯賊刃無歎

瓊州府志

卷三五

人物 孝友

九

色其至性爲人所難

樂會志

王天贊樂會人年甫十八兄天賚爲海寇李茂所擄貧不能贖贊赴賊船請代許之後載與他往竟死於賊

同上

張可載瓊山人郡庠生隆慶五年倭犯海口可載挾父逃賊追傷其父可載奮力持刀殺賊一人賊退乃負父密藏出求救官軍竟無應者父死可載痛恨控訴官軍懼賄百金不受事聞督學

巡按移檄旌之

牛志

陳鉞字安侯瓊山人郡庠生性資穎異日記萬言文行兼優素爲督學蔡可泉李洪西所稱賞丁

母制讀禮哀毀骨立值倭寇焚棺劫掠鉞獻家
所有於賊抱母棺慘哭倭感其孝獨免歲祲煮
粥賑饑捐棺瘞骸置船以利河津分穀以濟貧

族賈志

王敬一萬州人性孝友隆慶壬申海寇迫城敬一
負母逃難寇追迫母謂曰汝可急奔無母子俱
死敬一泣不忍離卒死於賊母幸獲全同上

何匡辟樂會人邑庠生萬曆乙酉大水廬舍漂沒
匡辟獨冒險駕舟欲以渡母風浪大作溺死聞
者哀之樂會志

羅紳會同人性篤孝母病嘗糞以驗瘥否鄉人嘉

瓊州府志

卷三五

人物 孝友

十

其行有司旌之年八十六無疾而終賈志

劉崇德崖州人父裕領鄉薦回沒於海崇德甫五
歲及長事母菽水承懽隆冬酷暑寢食必躬侍
遇父息日輒痛哭不食母老跣步不離督學張
拯旌其門

張大鶴字鳴皋文昌庠生爲母吮疽兄貧給衣食
子姪均分田產尤精醫學知縣顧乃猷書孝友
維風匾以表其門鄉人敬慕之

林跏樂會人跛一足故名已酉秋淫潦驟至父病
不能避跏慟哭其父存亡乃犯波覓獨木敗舟
載父山上會凍且饑里稀烟火復犯波覓父食

歸則父凍沒踟躕甚傭身易棺俄有空棺漂來
人以爲孝感云

李廷茂瓊山人歲貢任贛州訓導父母沒廬墓終
喪巡道表其宅曰李孝子郡守同知賦詩贈之
中年失偶誓不再娶

周維城瓊山人性孝友海忠介以女妻之居母喪
賊掠其家未厭欲斫棺維城極力抵護被賊刃
死鄉人舉閩兩院旌獎俱同上

王子聘澄邁人家貧力學性孝友父以愛妾疏母
母病毒瘡無以自給子聘陰求醫治時讀書他
所每父饋饗殮輒存其半以餉母遇親朋酒食

瓊州府志

卷三五

人物 孝友

十一

必懷肉歸遺母父感悔愛母如初母病篤爲嘗
糞及兩任廣文以二親不逮感泣悲甚宦金盡
以均其兄弟季弟化之牛志

謝福廣臨高人歲次將貢以親老不就終養置學
田數十畝遺勸後人其子廉亦棄貢歸養父子
有古風

徐澄先番禺人父商感恩縣娶楊氏生澄早失怙
受母訓入郡庠授生徒甚衆以歲薦應上春官
因足疾奉例冠帶回籍事母最孝母有病備嘗
湯藥遇有嘉穀常懷以遺母人咸稱爲徐孝子
云

王信卿崖州人以歲貢判桂林府端莊孝弟母病朝夕焚香祈禱侍湯藥至廢寢食兄貧分廉半以遺兄及母終兄亡竭力殯葬撫姪長成婚配設帳傳經崖士多出其門判桂林有賢能稱署全州捐俸修學宮卒於官

林小乾崖州人兄生員雲桂隆慶間為賊李茂所擄索贖金百兩小乾鬻屋得金半百賊不允將挾雲開船小乾願以身代雲桂回家二年小乾乃得脫歸俱同上

邱源字深泉臨高人歲貢性孝友定省必冠帶租入多讓其弟及官荊州別駕剖決庶獄燭照如

瓊州府志 卷三五 人物 孝友 三

神攝公安縣事築江堤為民利賴徵輸不染羨餘荆人呼為邱青天內艱歸以父老遂不出養志娛親不與公事臨高志

文應科萬州人幼孤事母以孝聞家貧力學由歲貢任鄖陽府通判多善政化王節為孝子杜娘為慈母鄖民德之以疾乞休家居友愛其弟以己田產讓之設義塾立約亭化鄉人於善母病六載湯藥必躬親及卒喪祭以禮州志

王應試字首選崖州人四歲而孤事母林氏盡孝自幼穎悟讀詩至哀哀父母生我劬勞輒掩卷流涕崇禎己亥選拔入成均辭歸授學或諷之

出仕嘆曰母寡且老不能奉菽水奈何棄晨昏於萬里以圖不可知之富貴乎母病不能飯亦不飯居母喪不御酒肉與弟應諭友愛甚篤鄉人高其孝義祀於祠

蕭志

李輔聖瓊山人生員李應和之子儒素承家硯田

度活崇禎八年繼母王氏病危割股和羹至誠

格天母病愈內院道府旌獎其門曰篤孝

牛志

吳履泰字亨若定安人少以才名慷慨有大節食

餼郡庠屢舉優行工諸體書法所居浚池塘中

置小舫構樓池北聚古今史冊朝夕誦覽客至

輒攜酒倡酬歡洽語以勢利拒不答友愛異母

瓊州府志

卷三十五

人物

孝友

三

弟不啻同胞教訓族屬多所成就丁亥四月

大兵渡瓊履泰適遭父喪號慟而絕道光十六年

准祀忠義孝弟祠

定安志

國朝

周其都瓊山人定安歲貢性孝友 國初土酋擾

亂擄其父鳴鳳以去其都入賊巢救出之子姪

從學無資者竭力助之爲人淡忘勢利足跡不

至公門

蕭志

李朝欽字元哲澄邁人庠生康熙二十年海賊楊

二等陷澄邁其父被執朝欽年十六奮不顧身

向賊求贖索銀三百不能給賊脅其父登舟朝

欽堅求往父患痢賊欲投諸海叩頭流涕掬穢
滌船賊爲之感動至陽江賊曰汝不惜死以從
父吾不忍殺汝可同父去朝欽負父登岸行未
幾父氣絕呼天挖地指盡出血村人哀之助以
成葬因壓石塚上以識至雷州有翁孝廉助之
得渡海與其兄可欽偕往負骸歸葬郡人呼曰
李孝子卒年七十有三副使王元樞爲之傳阮通志

林塗字君振文昌人孝友性成居父喪哀毀廬墓
以歲貢任新寧學博禮範諸生以母老告歸終
養居平手不釋卷口不絕孝弟忠信之言不治

瓊州府志

卷三五

人物 孝友

十四

生產不事浮華里黨咸矜式之子運鑑別有傳
同上

林昌運瓊山人林春先血養子自幼肩挑負販以
養父母值母符氏病篤失明昌運割股籲天進
羹奉母瞽能復視病亦獲痊鄰里異之阮通志

林典臨高人貢生事母孝母病癱危甚醫者欲針
之典恐母驚悸潛以口吮之母遂愈人咸稱異

阮通志

鄭存禮瓊山人孝友性成髫齡母病篤朝夕虔禱
願以身代父年耄齒脫存禮嚼飯送咽數年不
懈居喪哀毀盡禮廬墓三年遇忌日慘戚之容

有如初喪友愛兩兄撫養孤姪皆世所罕觀卒年七十有六雍正十二年題奉

旨建坊旌表祀忠孝祠同上

林朱密賈志作朱審瓊山人武生節婦唐氏子也二歲

失怙賴母守貞撫育及長事母盡孝居鄉塾得肉必持歸奉母母喪哀毀廬墓三年乾隆十二

年請祀忠義孝弟祠阮通志

林春榮陵水人性醇厚事父母左右無方自少至老不離膝下凡有餽遺必稟命一言一行不忘

父母待族戚無缺望者乾隆十七年舉孝子同上

劉繼漢瓊山人幼失怙恃攜穉弟承漢紹漢同居

瓊州府志 卷三五 人物 孝友 五

共爨子無異視財無彼此友愛和樂當道匾其

廬曰一門和氣蕭志

吳德輝澄邁人自少事父母定省不懈病篤舐糞

有叔父浪蕩其祖集族人將家業盡付其父德

輝諫曰請與叔父均分其父感悟得以全其孝

友宗族鄉黨稱其行誼焉同上

王一聖臨高人三歲而孤事母以孝聞母沒建慈

訓堂立產為祭費後膺歲薦與弟一賢相勵以

善祀孝弟祠阮通志

吳位和瓊山人八歲喪母哀毀若成人及長懸母

像朝夕瞻拜事父暨繼母能竭力侍疾輒衣不

解帶及沒先後廬墓六年仲弟病躬調藥祈禱
不飲酒不茹葷者數月乾隆戊戌瓊郡歲歉位
和亟遣人馳告潮商勸由海道運米至又使其
子玠橐千金市穀於雷以備施賑一時米船雲
集市價以平其幹濟類如此由廩貢生任博羅
訓導卒乾隆五十三年以孝行旌同上

張載燻字德庵瓊山廩生性孝友敦睦宗族事繼
母先意承志得其懽心外祖父歿無嗣燻爲立
後又出已貲建專祠並置東排田莊爲烝嘗之
費歲時必躬親與祭遺命子孫率循至今不廢

屆貢卒

採訪冊

瓊州府志

卷三十五

人物

孝友

十六

韓升豐字階平文昌人少失恃安貧力學父娶繼
室性悍妒艱難困苦有人所不堪者豐善事之
不但不以情白父卽戚友至好亦無片言及之
人咸以爲難豐聰敏少爲名諸生道光戊子舉
於鄉計偕北上竟卒於道同上

人物志五

儒林

宋

明

國朝

宋

戴定實臨高人受春秋於胡忠簡公銓及閻邱綱

賈志晚以特科筮仕僉幕有聲命子雄飛為忠簡

立澹菴泉三字碑祀鄉賢

蕭志

明

林廣號觀瀾文昌人明初舉明經行修任本學司

訓罷復以監生中洪武甲子應天鄉試任廬陵

教諭造士有方出其門者多擢高第

蕭志

王惠字仲迪定安人資性聰敏博聞彊記尤究心

性命之學景泰癸酉舉於鄉司訓融縣日與諸

瓊州府志

卷三十五

人物 儒林

七

生砥礪課藝講論心性士風為之不變兩載竟

賦歸來與里友吳敬程義輩相與倡和作正學

論以勵世

定安志

程義字以方定安人幼穎悟弱冠以易經魁於鄉

選賓州學正訓士有方造就者眾兩聘南京浙

江鄉試同考官多得名士與王惠為友講明易

理為後學師資

同上

吳敬字汝遜定安人尚禮好學專以讀書教子為

事士大夫咸敬重之嘗與王惠友善欲結鄉約

以善瓊俗未果而卒子姓受遺教者掇科登仕

不絕邑之文風自此漸盛

黃通志

梁成字克功儋州人謹厚寡默通經傳百家子史工詩能文闔州以儒士稱之嘗辟社學師子弟多所成就太守羅傑重之賈志

唐濂伯瓊山人隨父虔任閩中歸負雋名楊僉憲

稱爲嶺南秀士無雙赴省試與潮士許仁齊名

景泰癸酉榜發中解元許卽亞之未會試卒王

桐鄉題其墓曰他時若問田邊路五嶺南來第

一人牛志

李獻字德玉萬州人弱冠補諸生篤實穎敏慎取

與重然諾不以言色諛人侍母病湯藥必親嘗

居喪盡禮慨然有尙友古人之志受業於陳白

瓊州府志

卷三十五

人物 儒林

六

沙白沙卒又師事其高弟李子長講學三年歸

作栽花閣釣魚臺嘯傲烟霞所著有南溟集養

癡集鳴情集一時學士大夫咸以道學稱焉州志

林毓秀字元傑樂會人妙齡以學行著領貢訓卽

墨歸家無餘積教鄉子弟多所成就祀鄉賢賈志

鄭汝喬字允昇文昌人

瓊山志作瓊山人

穎悟博洽領嘉

靖丁酉鄉薦從湛甘泉講授三年歸篤志樂貧

精思實踐甲辰中乙榜以親老侍養不仕

陳思誠字伯孚瓊山人少遊郡庠性孝友恂恂雅

飭嘗師湛甘泉講明正學諭宣城知安義兢兢

能業其官解綬家居儼然儒林風度當道陳雅

造廬禮之鄉人有遺金請託者亟麾之曰鬼神共鑒意念難欺俱同上

吳恪瓊山人性資凜飭有君子風匪人濫賓飲恪抗聲郡庭賓筵肅然始訓晉庠不責生徒修贄諭邑時嚴督課程科目蒸蒸多所成就牛志

曾唯臨高人博學有氣節初任廣州訓導後陞徐聞教諭以守禮不能屈遂歸獨築一室吟咏自樂嘗留心邑志編有志稿謀鏤諸梓未就同上

曾應唯瓊山人資稟高明範身矩度嘗構義方堂集鄉族子弟講習修身齊家大義所著有家禮存羊儀節數卷賈志

瓊州府志

卷三五

人物 儒林

十九

馮天與瓊山人郡庠生少聰敏博覽諸書事父母處兄弟以孝友稱卓有藻鑑能知人於塵埃中士大夫皆重愛之牛志

紀綱正字恆之其先鹽城人祖戍崖遂為崖人綱正自少魁岸言論英發淹貫經史尤長於詩賦曾遊郡庠小試恆魁多士累不得薦輒棄而耕於野懸其壁曰東岸書舍倘佯林壑以終天年嘗曰書如靈丹服之便可入仙窟通修短浮漚爾教授生徒表正鄉閭崖士出其門者多苦學

勵行賈志

陳維臣字汝弼瓊山人平生言語必信取與不苟

教弟維翰以禮經魁於鄉每以黷貨戒之撫二
異母弟極其友愛郡守周思久蒞學宮首訪行
誼延之登堂優以賓禮凡有裨於治理者必諮
焉同上

余啟字允明瓊山庠生家貧好學聚徒授業所得
學資悉與兄姊共之孤姪無依撫養不異已子
而捐資嫁娶處鄉黨禮接恭敬畧不少弛郡守
周思久節推徐邦佐咸謂按其平生當於古人
中求之牛志

王世昇瓊山人郡廩生少孤貧力學待寡嫂撫孤
姪盡力維持教授於鄉海忠介稱爲純篤長者

瓊州府志

卷三五

人物 儒林

二十

賈志

陳憲瓊山人庠生博覽好學構書舍於川南咏讀
自適事繼母以孝稱居鄉勸人爲善有王彥方
風賈志郡四舉鄉賓直指陳道基旌之曰年高有
德給米粟以示存問牛志

陳邦猷瓊山人高明縣教諭博學篤行爲母老謝
仕歸郡主兩造廬三舉鄉賓其行誼多可爲鄉
式者賈志

林琅瓊山人庠生質直好禮喜周人急年九十手
不釋卷所著有家禮復古考正祀典道統女訓

等錄牛志

鄭儒字子珍瓊山人參政廷鵠子廣州府學教授
自髫齡挾筴宦遊京省多得義方庭訓淹貫經
史詩文有出塵之趣始訓容庠轉上海歷連州
所在卻贊勸課士多成就有竊位箴以自警棄
井銘以訓士科貢題名以揭前烈勸來學歸老
篆堂額曰留餘軒祀連陽名宦

賈志

牛全字以成瓊山人郡庠生正直禔躬清高絕俗
撫兄子不啻己出恤孤惠族義方教子晚歲食
貧趨操益勵浩歌自得恬如也所著格言詩草
有云念念有天隨著步行行那地不堪家胸次
悠然有度越人者

牛志

人物 儒林

瓊州府志

卷三五

三十一

張守實字還虛文昌人賦性嚴峻究心理學嘗云
學以毋自欺為主儒先諸書無不手錄家貧教
授譽髦多出其門少餼郡庠既謝舉業猶莘莘
好學雞鳴而起終日危坐體無倦容口無戲言
卒年八十餘

賈志

邱承箕字廷梅瓊山人郡庠生大學士濬六世孫
博洽經史尤篤於彝倫事嫡母菽水承歡季入
廩金悉以奉養毫無所私推良田以給妹奩資
刻文莊史綱學的諸編行世所著有戴記講意

扶搖正言

牛志

李元祉澄邁尙驛人少失怙恃事兄甚篤博涉羣

書誘掖後進族里重之由歲薦任邵武訓導以
端矩造士尋引疾歸優游吟適爲士林式賈志

陳日新瓊山人孝友慈愛少以詩詞著名事祖母

盡孝恩薦赴省途聞祖疾棄貢而歸事孀母順

志承顏司訓德慶有蘇湖風甘守清白牛志

張作銘崖州人穎悟博學讀書至廢寢食文章原

本傳注授諸弟子先令誦孝經乃旁及諸子百

家每稱引書義至孝弟忠信必反覆詳說曰此

學者立身之本不僅肄業及之也以恩貢歷武

昌衛幕稱賢能同上

馮嘉遇字載賡瓊山人博聞稽古以三禮領天啟

瓊州府志

卷三五

人物 儒林

三

甲子鄉薦天資純孝篤志承歡睦族信友輕貲

好義當途交章推薦以不忍離母卻之年七十

五梓里尊爲文獻蕭志

國朝

張履吉字旋九瓊山人明孝子可載裔孫自幼篤

學以薦終其身教授南湖一遵朱子學的及門

多髦士授靈山司訓卒年八十四所著有南湖

稿蕭志

馮侯字次公號潛亭瓊山拔貢博學篤行高尚其

志隱南湖陶山間士大夫咸推重之訓誨生徒

門多名宿嘗遊萬州著有東山備史湖山合稿

鹿溪草竹泚吟等集邑令茹鉉旌匾曰文節耆英

吳黃煥字章甫瓊山人萬州歲貢自少能文博涉經史生徒質疑者屢滿戶外爲人剛直樸訥一遵禮法卒年七十有二

張覃勳字爾厚瓊山人歲貢生幼聰敏善詩文以明經老規言矩行安貧好學誘掖後進經指授者皆有家法卒年六十四

蔡文賢字彬魯瓊山歲貢天資明慧博覽羣書能爲詩詞古文旁通星曆諸書創議建考院生平簡默至老手不釋卷授三水司訓卒年七十九

瓊州府志

卷三五

人物 儒林

三三

蕭元長字乾初瓊山人幼聰敏能文由歲貢登賢書生平敦倫力學文行兼茂教授生徒多所成就所著有選註綱鑑便讀卒年五十六

莫魁文字起梧定安人篤學力行康熙丁酉舉人登辛丑進士出宰慶雲政多平反有賢令聲

吳金字聲九瓊山人由歲貢領乾隆癸酉鄉薦品端行粹博覽經史教授生徒遵白鹿洞學規瓊郡知名士咸出其門所著有敬齋集

蕭璋字特玉瓊山人雍正己酉選貢讀書力學絕意仕進亦不知爲謀生計或勸之答曰人貴立志耳安用此阿堵爲於舍傍築小軒曰繼勿與

後進講論詩文老而弗倦以上俱蕭志

黃玉霽字天白文昌人中乾隆辛酉舉人乙丑會試明通任吳川教諭時士習浮靡霽獨敦實學與諸生講明心性成就者衆吳川諸生預設長生牌位祀書院並名宦祠以事忤上官削職歸教授生徒從遊益衆性質淳厚砥礪廉節遇事從容裁制無疾言遽色吳川及瓊諸生前後欲爲霽捐貲復職拒謝曰諸君欲某以賄進耶衆

高其義採訪冊

鄭君銘字躋三號新亭文昌人幼聰穎嗜學長益淹貫羣籍治經最深細爲文清淳古雅督學王

瓊州府志

卷三十五

人物 儒林

三十四

文肅公安國器重之評其卷曰書卷之氣深入肺腑而流溢於楮墨此嚙嗜逸響也及文肅撫粵又從受業者數年已復受知沈督學選拔貢竟以年三十五卒爲人志行沈毅規模宏遠卓然於勢利之外事親甚孝謹嘗聯族修譜牒節纂子朱子家禮數十條著爲規以訓族人其教人嚴且勤善因人激發從遊多知名士

黃河清字濬如號巽山儋州人沈敏篤學廉靜寡營文章精深沖澹如其人乾隆癸酉舉人辛巳恩科進士辭不赴選遠近生徒來就教歲常百十人寔而力學者每周之粟講授甚勤成就者衆餘暇

則牽一犢飲溪邊持竿垂綸兀坐忘倦或勸之
仕指犢與竿曰未遑也人服其高胞弟海清字
洛如拔貢乾隆丙午舉人堂弟河照字湛如乾
隆甲午舉人昆弟師友研究經史砥厲品學高
尚不仕如出一轍人稱三黃云俱同上

莫暮字次典定安人乾隆庚辰鄉薦選直隸安肅
令調靜海學優才敏擢灤州所至明於斷獄民
無遁情士風振興姦宄斂迹凡修 文廟建書
院築隄防賑荒歉及收葬被水流民皆捐俸爲
之居家恤貧睦族一本至情里有詬爭得一言
輒解歿後靜海灤州士民各請祀名宦阮通志

瓊州府志

卷三五

人物 儒林

三五

吳纘姬字緒三澄邁人聰明穎悟乾隆壬申舉於
鄉庚辰成進士歸主瓊臺講席從遊者多就裁
成選江西鉛山令興利除弊吏服民懷捐廉重
修文廟是科獲售六人邑有南濠灌田數百頃
前任以形家言不利於官塞之腴田遂成汙萊
纘姬曰當濠開時官豈無被黜者耶遂開之民
食其德辛卯分校鄉闈所得多知名士後竟左
遷乞養歸年五十而卒採訪冊

鄭鎮字藩宇孝子存禮曾孫博學能文領乾隆壬
午鄉薦以知縣分發直隸攝深州授柏鄉縣乙
未丙申兩逢

車駕南巡蒙

恩賚帶珮綵幣癸卯卓異調正定服官十餘載所至有政聲而柏鄉人尤思慕不置晚乞歸養恬淡以終

吳典字國猷號學齋父位和見孝友傳典幼穎異嗜學讀書目數行下年十五應童子試輒冠其曹遂入泮乾隆乙酉受知於翁覃溪學使選拔貢是歲舉於鄉己丑成進士改庶吉士授編修嘗總校中秘書與修

國史及三通館永樂大典 四庫全書書成蒙

賜內宴並賚龍尾硯白玉如意文綺諸品丁酉庚子兩

瓊州府志

卷三十五

人物 儒林

三

充順天鄉試同考官甲辰分校禮闈所得皆知

名士在京與同僚相切磋以學行為當道所推

都中邀眾釀金創建瓊州館於靈中坊大外郎

營為瓊人士棲息之所典自為記見藝文丁外艱

歸遂不起主講瓊臺書院獎進後學重修府學

宮換以石柱改造文明樓建郡南太史橋及白

沙東西等處橋力襄義舉疊疊不倦年五十卒

李琦字行超號卓齋瓊山人幼嗜學工文詞書法

乾隆庚子舉於鄉甲辰成進士 朝考第三名

授國子監學正改本班銓河南桐柏知縣下車

值川楚教匪滋事捐廉團練民壯保境賊猝至

縱火琦冒火馳赴南陽鎮請兵協同守禦賊退境賴安全又調赴大營督糧餉運無缺上憲請敘軍功紀錄二次記大功一次以領運艱險及歸任查辦災賑勞瘁備至士民德之年五十歲卒於官宦囊如洗邑人醵資扶櫬以歸俱同上

雲志達號石田瓊山人由拔貢充教習中乾隆壬午順天副榜任廣寧教諭調欽州學正陞潮州府教授湛深經術課士論文一秉先民矩矱居官持正不阿士有屈抑者必爲伸理其或不軌於正亦加痛懲不少假借人以此畏而愛之參廉

州志

瓊州府志

卷三五

人物 儒林

七

杜克紹字象伯號文池瓊山人十四歲入庠長益發奮前後赴端溪書院肄業凡十二年院長曹愼吳延熙咸器重之選乾隆癸酉拔貢飭躬勵行舌耕所得悉以奉母未嘗私蓄兄弟同爨門內雍然教訓生徒日與討論經義講求唐律著有易說案詩經解禮記節鈔唐詩選鈔藏于家銓海康教諭未任卒

採訪冊

王斗文字儲齋瓊山人父起歲貢生潛心經學讀書成誦後終身不忘著有詩經春秋經解斗文質學純粹爲文筆致秀妍肄業瓊臺書院院長武林吳光昇深器之乾隆戊子以春秋領鄉薦

辛卯 恩科進士在京資助建瓊州會館於靈
中坊歸卒於家年三十三

玉時字允修瓊山人由優貢中乾隆庚寅順天
鄉試大挑授饒平訓導以嫡母老告歸比銓縣
令復以生母老改就國子學正遂不出主瓊臺
講席廿餘載多所成就嘗纂修郡志著有慎餘
堂制義前後二集蓮花山房詩草退菴小集續
邵堯夫孝弟歌手校白玉蟾集蘇長公海外集
瓊臺詩話裨海摘要諸書子文藻拔貢

雲于熙字時純文昌增生少質魯苦學入泮後不
喜舉業誅茆面海爲齋顏曰觀瀾披吟其中質

瓊州府志

卷三五

人物 儒林

二六

疑者多造焉究心理學讀書必求實踐檢束身
心常恐不及設功過格逐時自警又以戒欺求
慊存心養性八字書紳爲銘家赤貧不計生產
不苟取予妻父贈以奩田焚券却之學師以優
行再舉避不就所著心性圖梓傳於家俱同上

符家麟瓊山人父詩敦品好學義方嚴訓家麟由
恩貢任保昌從化教諭調欽州學正性渾厚學問淹博
尤加意作人士風丕振所至咸思慕之參廉州志

人物志六 文苑 宋 元 明 國朝

宋

林森字梅叔萬安人今萬州及閩邱鋼者皆工詩賦

各悠然有自得之趣黃通志

元

王安吉文昌人兩舉為樂會學師牛志

林靖瓊山人能詩文同上

明

林貴芳寧遠人今崖州明經史能文章修崖志洪武

初以禮敦請置學事壽七十終牛志

裴崇禮字居敬崖州人盛之子由景泰庚午鄉舉

瓊州府志 卷三五 人物 文苑 二十九

任貴州訓導改甌寧積學能詩文有古趣嘗自

品曰瓊南文士獨讓王汝學出吾一頭餘子不

足數也有遊大小洞天記皆佳作戴通志

曾儂字光啟號雙溪瓊山人天順間以貢遊太學

有詩名牛志

王朝隆字國昌瓊山人忱之姪向武判官詩文如

馮海雖無家數然信口充瞻其博學多聞不亞

張忭王桐鄉避庚申之亂多藉講論以慰戴通志

王錫臨高人同知子中之子由歲貢任湖廣蘄州

判官資性高明博通經史議論風生臨事果決

致仕歸居托台山中野鳧山雞日相親狎他人

至則飛去所謂忘機狎鷗鷺者錫蓋有之

臨高志

鍾金臨高人起之曾孫膺成化歲薦不仕窮究經

史雅善詩賦與謝倬王佐王錫為四友以文行

相砥礪佐嘗稱為文章嫡派云

同上

李春先號未生文昌人博通經史眾推宿儒及門

六百餘人登科第者多出函丈

蕭志

楊碧瓊山右所人自少工詩清響飄逸旁通真草

篆隸

牛志

周奇健瓊山人詩文少作作必精簡有趣後令靖

江歸縱酒自任有晉人風致

同上

唐冕字元瞻瓊山人乾昇之孫幼遊郡學治舉業

瓊州府志

卷三五

人物 文苑

三

能旁通詩辭句多警拔叔善繼製得過華清宮

漂母墓二詩責之和冕援筆立就善繼大驚曰

真唐音也

牛志

僅二十而卒其和過華清宮詩云塞風吹雨雜

鳴鸞日影西沉樹色寒歌舞不來春又盡飛花

無語過闌干漂母墓詩云千金酬一飯古墓動

高秋樹色山村外江聲日夜流楚碑春露泣荆

水暮鴉愁芳草王孫路年年牧豎遊

戴通志

柯呈秀瓊山人學識沉摯品行高古舉萬曆戊午

鄉試任順昌知縣有居業集

牛志

趙思兼會同人兒時能屬文腹稿立就年十四補

弟子員十六食餼計部吳南瀛奇其才以女妻之平居沈酣書史學使屢獎優行嘗讀乃祖考古先生所著六書本義益加增補

會同志

國朝

趙公銓字光我會同歲貢少博學負奇氣全州牧黎夢斗見而異之以女妻焉順治丁酉鄉試房官查某特薦擬元竟被遺後屢薦不售選龍門訓導未任而終

採訪會同志

韋昌詒字燕及樂會歲貢為人孝友清介兵燹之餘克復先人舊業凡族屬子弟教養備至時邑中苦雜役昌詒白於上官遂除數十年派累之

瓊州府志

卷三五

人物 文苑

三十一

苦部推 廷試不赴築室南園莊披吟自適所著詩文哀然成帙康熙二十六年纂修邑志士論重之

縣志

陳學昭字潛夫文昌人府學歲貢少孤力學博覽羣書老而不倦邑人士多出其門

蕭志

林昌焯字晦生文昌歲貢自少嗜學不事生產工於詩文遠近傳之卒年七十

莫魁士字介梧定安人自少英異淹貫羣書領康熙戊子鄉薦以繼母年高辭檄不仕勵後學以

品行相勸勉著有稼餘集

俱同上

謝寶字紫樹瓊山人康熙戊子舉於鄉雍正甲辰

進士天資高曠不拘小節任肇慶府學教授與當道議論不合棄官歸精形家言有人倫鑒設教瓊文之間後學多所成就如文昌進士張日

收瓊山孝廉馮瀧皆預爲賞識藻鑒不爽

莫陶號綠巖定安人魁士次子性敏異博覽羣書工楷法弱冠登雍正甲辰賢書丁未成進士授銅梁令禮士愛民興利剔弊爲上官所重數載以病歸士民思慕居家孝友雍睦族黨矜式督課二子綸章綬章皆有聲庠序

張天璇陵水人少失怙恃以伯父撫訓成立每歲時伏臘及父母忌日輒涕泣不自禁爲學一準

瓊州府志

卷三五

人物 文苑

三十一

古訓弱冠爲文卽有大家矩矱年十九試冠軍學使王安國舉優行貢入太學肄業矢志攻苦期滿歸因遷葬父母得勞瘵疾卒生平志期遠大取與不苟足跡不履公庭當道咸高其品年二十七歲卒士論惜之

鄭繩祖號雙嶺澄邁人少孤事母孝早歲能文博洽經史乾隆辛酉選拔掌教景蘇書院口講指畫孜孜不倦濡毫揮灑頃刻千言脫稿人爭傳誦門下多成碩士

何蘊躍字精發儋州人學問宏深工夫純熟爲文化裁就範簡練揣摩乾隆甲子解元計偕入都

益自奮勵座師金銜愛之時加獎勸七試春闈
賈志以歿

陳聖與字若仁儋州人天資卓越學問精深乾隆
癸酉鄉試第一典試劉文清公壩大加贊賞聖
與爲文意在筆先構局遣詞動中肯綮習有成
竹水到渠成學者奉爲鄉會正宗俱同上

林淇菴字汝漪瓊山增生性孤介不慕榮利爲文
峭刻不趨時尚工詩善書郡人多珍藏之誨後
學成就甚衆嘗於浮粟泉泥塗中獲石刻東坡
像乃集同志卽其地建坡公祠常好搜剔名勝
有高士風蕭志

瓊州府志

卷三十五

人物 文苑

三十三

許成德字純甫萬州人性曠達詩文雅贍不屑治
家人生產乾隆庚辰登賢書授樂昌訓導時父
翰魁司鐸潮陽子敦仁任翁源教諭及門髦士
稱極盛云探訪冊

王之藩字价伯瓊山人安貧篤學讀書潛心體認
爲文提要鉤元乾隆甲午登賢書戊戌會試房
薦不第將南歸房師相國朱文正公贈以資斧
勉留京邸庚子成進士任潮州府學教授日與
諸生論文講義寒齋無羸蓄泊如也卒於任士
林咸哀慟焉

李樹元字仲敏澄邁人家貧力學讀書晝夜不息

倦則以椒採目使醒工文詞書法由乾隆丁酉
拔貢充 四庫館膳錄選仁化教諭調欽州學
正廉潔自守倡修文廟諸生貧乏者加意培植
擢知貴州清鎮縣廉州府志運鉛入都引 見候陞
未幾卒於任道光十四年以子恒謙任普洱府
同知 誥贈奉政大夫

莫紹憲字衣堂暮子性豪邁少奉庭訓長益力學
嘉慶己酉舉於鄉丙辰成進士辛酉補殿試授
中書官至員外郎性耽吟詠工書翰尤精辨金
石言論都雅晚歲歸邑中修建公廨書院諸義
舉皆力爲部署

瓊州府志

卷三五

人物

文苑

三十四

王承烈號揚齋瓊山人幼聰雋博學善詩古文辭
弱冠補諸生嘉慶辛酉舉於鄉前後主講瓊臺
從遊者衆性廉謹家居府治足不履公庭郡邑
公舉必贊成之道光初舉孝廉方正加六品章
服弟天祐拔貢生以才幹稱邑中公事多其經
畫俱同上